

# Ahmer Škrijelj, BA prava - Završni magistarski rad

Fakultet/Akademija	PRAVNI FAKULTET
Tip Rada	Završni magistarski rad
Kandidat, zvanje	Ahmer Škrijelj, BA prava
Naziv Teme	Multikulturalnost u Francuskoj i Njemačkoj
Rezime/Abstract	<p>Završni magistarski rad "Multikulturalnost u Francuskoj i Njemačkoj" donosi jedan svojevrsan historijski, pravni i politički presjek multikulturalnosti u Francuskoj i Njemačkoj, od momenta nastanka pa do danas. U prvom poglavlju ovog rada pod nazivom „Multikulturalizam: pojam i izazovi“ definisan je pojam multikulturalizma, te razlike u pojmovima "multikulturalizam" i "multikulturalnost". U ovom dijelu istaknut je i historijski nastanak ideje multikulturalizma, te savremene teorije i teoretičari multikulturalizma. U drugom poglavlju rada pod nazivom "Građansko-državljanški status i multikulturalizam" obrađen je utjecaj globalizacije na državljanstvo i multikulturalnost, isticanjem da masovna pokretljivost ljudi preko granica predstavlja izazov tradicionalnom konceptu državljanstva, te da se multikulturalizam, dijelom, može razumjeti kao posljedica neuspjeha modernog projekta nacionalne države. U ovom poglavlju, obrađena je i teza o vitalnosti nacionalnog državljanstva i utjecaj ekonomije na pristup državljanstvu, te teza o postnacionalnom članstvu kroz nadnacionalne oblike organizovanja, kao i savremeni pristup i tranziciju kroz koju prolazi tradicionalni model državljanstva. U trećem poglavlju rada pod nazivom "Multikulturalnost u Francuskoj" analiza je usmjerena na vezu historijskog nastanka i republikanske tradicije Francuske u oblikovanju suvremene pluralnosti francuskog društva, uz poseban osvrt na utjecaj Francuske revolucije i Deklaracije o pravima čovjeka i građanina u kreiranju Francuske multikulturalnosti. U ovom dijelu rada objašnjena je i organizacija državne vlasti u Francuskoj. Prilikom obrade aspekata multikulturalnosti u Francuskoj, analiza je usmjerena na ekonomsko-socijalne, političko-institucionalne, pravne, ekonomske, te geografske faktore. Nadalje, analizirani su i savremeni izazovi multikulturalizma, sa posebnim osvrtom na migracijska kretanja i tradicionalnu odvojenost crkve od države (laički model) u Francuskoj. U četvrtom poglavlju rada pod nazivom "Multikulturalnost u Njemačkoj" pažnja je bila prvobitno usmjerena na obradu historijskog razvoja Njemačke kroz period tri njemačka carstva, te prelaz sa principa ius sanguinis (princip porijekla) na princip ius soli (teritorijalni princip) u poimanju njemačkog državljanstva. Kroz Osnovni zakon iz 1949. i složenu organizaciju državne vlasti u Njemačkoj, obrađene su i partikularističke tendencije pojedinih regiona-država u kreiranju njemačkog federalizma. U tom smislu, obrađeni su i faktori koji su utjecali na razvoj multikulturalnost u Njemačkoj, sa posebnim osvrtom na historijske faktore i reformu Martina Luthera, analizu utjecaja geografske različitosti pojedinih regiona na razvoj partikularističkih tendencija, analizu društveno ekonomske nejednakosti i njenog utjecaja na stvaranje nejednakosti unutar samog njemačkog društva, te analizu religijske sfere njemačkog društvenog i političkog života. Potom je analizirana činjenica masovnih imigracija kao izazov kulturno-normativnoj orijentaciji njemačkog društva. U petom poglavlju pod nazivom "Evropska unija" opisan je nastanak Evropske unije, uz prethodnu obradu Zajednica koje su prethodile današnjoj EU, ulogu Francuske i Njemačke u njenom osnivanju, te razvoj i postepeno proširenje nadležnosti EU kao nadnacionalne organizacije kroz donošenje najznačajnijih akata kao što su: Ugovor iz Maastrichta, Ugovor iz Amsterdama, Ugovor iz Nice i Ugovor iz Lisabona. U tom smislu, akcenat je stavljen na obradu normativne osnove prava građanstva EU, te komparaciju prava državljanstva EU sa pravom državljanstva država članica, uz osvrt na pravnu prirodu migracijske politike, te izazove sa kojima se danas suočava migracijska politika EU, sa posebnim akcentom na Dablinske uredbe i njihovu primjenu u praksi. U završnom dijelu rada sublimirane su sve utvrđene činjenice i zapažanja analizom normativnog i političkog okvira multikulturalnosti i njenih izazova, sa posebnim osvrtom na Francusku i Njemačku.</p>
Datum	01.07.2020
Predsjednik	Dr.sci. Dženeta Omerdić, vanr.prof., Uža naučna oblast „Državno i međunarodno javno pravo“, Pravni fakultet Univerziteta u Tuzli
Mentor	Dr.sci. Amir Karić, vanr. prof., Uža naučna oblast „Državno i međunarodno javno pravo“ Pravni fakultet Univerziteta u Tuzli
Član komisije	Dr.sci. Izudin Hasanović, red. prof., Uža naučna oblast „Državno i međunarodno javno pravo“, Pravni fakultet Univerziteta u Tuzli
Član komisije	-
Član komisije	-
Zamjenski član	Dr.sci. Zlatan Begić, vanr.prof., Uža naučna oblast „Državno i međunarodno javno pravo“, Pravni fakultet Univerziteta u Tuzli
Dodatni detalji i lokacija	dana 01.07.2020. godine sa početkom u 12,00 sati na Pravnom fakultetu Univerziteta u Tuzli
Završne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.